



元和郡縣圖志卷第二十一

山南道

襄州

襄陽節度使

襄陽大都督府

開元戶三萬六千三百五十七
元和戶十萬七千一百七

今為襄陽節度理所

御七百六十一



管州八

襄州

鄧州

復州

郢州

唐州

隨州

均州

房州

縣三十八

都管戶一十四萬二千

禹貢荆豫二州之域於周諸國則穀鄧鄠盧羅郟之地春秋時地屬楚秦兼天下自漢以北為南郡今鄧州南陽縣

是也漢以南為郡南今荊州是也後漢建安十三年魏武
平荊州置襄陽郡自赤壁之敗魏失江陵而荊州都督理
無常處吳將諸葛瑾陸遜皆數入其境自羊公鎮襄陽吳
不復入永嘉之亂三輔豪族流于樊沔僑於漢水之側立
南雍州 武帝以朱序為南雍州刺史符堅遣將苻丕攻
陷襄陽序為丕所擒後堅敗州復歸晉安帝時魯宗之為刺
史仍于州理置寧蠻校尉梁太清二年岳陽王蕭譽為雍
州刺史兄河東王譽為元帝所殺譽怒以州北附西魏尅
江陵以答為梁王都江陵為西魏蕭國恭帝改雍州為襄
川因川南襄水為名也按襄陵去江陵陸道五百里勢同

輔車無襄陽則江陵受敵自中晉庚子為荊州刺史將事
北戰遂鎮襄州北按宛洛跨對樊沔為荊州之北門代為
重鎮因置總管隋置行臺皇家初亦置山南道行臺武德
七年廢行臺署都督府貞觀六年廢都督府改為州永貞

元年昇為大都督府

州境東西二百四十六里
南北三百六十七里

八到 北至上都一千八百五十里
東至隨州三百五十里

南至江陵府四百七十里
西至房州陸路四百二十里

入水路五百八十四里
東南至鄂州三百二十里

西北至均州三百六十里

貢賦開元元和 貢火蓆布 庫路貞 麝香 柘木 絳紗 弩材 竹扇 漆器 橙子
管縣七

襄陽 臨漢 南漳 義清 宜城 樂鄉 穀城

襄陽縣聖朝本漢舊縣也屬南在襄水之陽故以為名魏

武平荆州分南郡置襄陽郡縣屬焉後遂不改

峴山在縣東南九里山東臨漢水古今大路羊祜鎮襄陽

與邠潤甫共登此山後人立碑讀之墮淚碑名其文即蜀

人李安所製

萬山一名漢皋山在縣西十一里與南陽郡鄧縣分界處

古語曰襄陽無西言其界促近

檀溪在縣西南和梁高祖鎮荆州聞齊王崩令蕭遙光等

五人輔政謂之五貴歎曰政出多門亂其階矣陰懷平京

師之意潛造器械多伐破竹木沉于檀溪為舟裝之備參

軍呂僧珍獨悟其旨亦私其檀數百張及義師起乃取檀

溪竹木晨賊艦諸將爭檀僧珍每船付二張事魁集今溪

已涸其舊矣

州理中城在縣東邊一處有土赤色昔苻丕攻襄陽朱序

用道法以朱砂燻之至今土色有異西北角夫人城符丕

之攻也朱序外深識兵勢登城履行知此處必偏受敵令

加修築寇肆力來攻果血而退因謂之夫人城

劉琦臺縣東三里琦與諸葛亮登臺去梯言之所也諸葛亮宅在縣西北二十里

習郁池在縣南十四里

臨漢縣縣南至本漢鄧縣地也則古樊城仲山甫之國也西魏于此立安養縣萬鄧城即周天和五年改屬襄州天寶元年改為臨漢縣城南臨漢水魏將軍魯仁處樊蜀將關羽圍樊使于禁龐統救之會漢水暴長羽以舟師攻禁遂降日德順日不屈羽殺之

故鄧城在縣東北二十二里春秋鄧國也桓七年鄧侯吾離來朝是也楚文王滅之

鄧塞故城在縣東南二十二里南臨沔水阻一小山號曰

鄧塞昔孫文臺破黃祖于此山下魏常于其裝治舟艦以伐吳陸士衡表稱下江漢之卒浮鄧塞之舟謂此也

南彰縣州百四十里至本漢臨沮縣地按臨沮縣今在荊州富陽縣西北臨沮故城是也後魏于此置重陽縣隋為南

彰縣

荆山在縣西北八十里三面臨絕唯東南一隅緣通人經祖山在縣東北一百八里吳時未然諸葛瑾從沮中乘山險道北去祖中去襄陽城一百五十里按此是地名非山蓋以地山相近因名或云司馬宣王鑿八疊山開路于此停

祖也

襄水出縣北一百十里白石山

義清縣州中東北至本漢中廬縣地西魏于此置義清

縣後因之

中廬故縣在今縣北二十里本春秋廬戎之國秦時謂之

但廬項羽已將鍾離昧家在伊廬也

長渠在縣東南二十六里派引壘水昔秦使白起攻楚引

西山谷水兩道爭灌鄢城一道使河他人一道使河南人遂

宜城縣上北至州本漢印音縣地也城東臨漢江古諺曰

即無東言其東偏漢江其地短促也宋孝武大明元年以

胡人流寓者立華山郡理之後魏改為宜城周改宜城為

道院屬武泉郡開皇三年罷郡屬襄陽皇朝因之天寶元

年改為宜城縣

漢水在縣東九里

故宜城縣南九里本楚鄢縣秦昭王使白起伐楚引蠻水灌

鄢城拔之遂取鄢即此城也至漢惠帝三年改名宜城

樂鄉縣中下東北至本春秋時郡國之城在今縣北三

十七里都國故城是也在漢為若縣地晉安帝于此置樂

鄉屬武寧郡大業三年改屬竟陵郡皇朝改屬襄州

漢水東去縣四十二里

穀城縣 上東南至州一百四十五里 春秋時穀國左傳穀伯綏來朝今縣北四十五里故穀城是也漢為筑陽縣蕭何子封筑陽侯即此開皇七年改為穀城縣屬襄州

筑水在縣南一百二十里

鄧州 南陽 開元戶三萬八千六百一十一 鄉五十八
元和戶一萬四千一百四 鄉六十一

禹貢豫州之域周為申國戰國時屬韓燕秦說韓惠王曰

韓西有宜陽東有穰南是也昭襄王收韓地置南陽郡以

在中國之南而有陽地故曰南陽三十六郡襄陽居其一

焉漢因之領縣三十六理宛城後漢于邵理置南都建安

中張繡屯兵于穰降魏于穰置萬州晉宣王夏侯伯仁

皆為都督或理宛或理新里永嘉五年為劉聰所殺成帝

咸康四年後歸于晉苻堅之亂又沒前秦姚興時又復還

晉後魏孝文南侵又陷之梁普通中甄冠還入魏太和中

置萬州理穰縣今鄧州所理是也開皇七年梁王歸入隨

自穰縣移萬州還江陵于穰縣置鄧州大業三年改為南

陽郡武德二年鄧州復焉

州境 東西五百九十里 南北三百八十一里

八到 北至上都五百九里 北至東都六百四十五里 東至唐州三百二十里 東至均州三百四十里 西南至襄州一百八十里

貢賦開元 貢 紆紵絲布十疋

管縣七

穰縣 南陽 新野 向城 臨湍 菊潭 內鄉

穰縣望野 漢舊縣本楚之別邑取豐穰之義後屬韓秦武

王攻取之封魏冉為穰侯漢以縣屬南陽郡後魏既克南

陽于此城置荊州開皇三年屬鄧州皇朝因之

湍水北去縣七里

六門堰在縣西三里漢元帝建昭中台信臣為南陽太守

復于穰縣南六十里造鉗廣陂累石為堤傍開六石門以

節水勢澤中有鉅屋五池因以為名周廣溉灌歲增多至

三萬頃人得其利後漢杜詩為太守復修之

前有邠父後有杜母

南陽縣縣西至州縣本周之中國也平王母申侯之家漢

置宛縣屬南陽郡更始即帝位代祖納陰后並于宛城魏

代荊州都督所理至隋改為南陽縣屬鄧州

精山在縣西北二十七里黃巾賊據宛城漢西鄉侯朱儁

擊破之餘象走保精山即此

涇水東去縣三里南郡賦曰涇水蕩其胸是也

新野縣中南北至本漢舊縣屬南陽郡魏代新野縣為荊

州都督所理王昶為都督即鎮此城晉惠帝立新野郡開

皇三年罷鄧縣屬鄧州

清水西去縣二百步

後漢西華父鄧晨宅在縣北二十四里晨新野人世祖姊夫也初起兵新野王莽焚其家晨潛其宅宗族怒曰幸自富足何故隨婦家入湯餒中晨終無悔

陰皇后宅在縣東北搗衣石存焉

向城縣川上西南至本漢西鄧縣地春秋時向邑江夏有鄧故此川西後魏孝文帝丁巳向城置向城縣屬北涇郡郡貞觀九年屬鄧州

豐山在縣南三十二里有九種霜降則鳴

西鄧故城在縣南二十里張衡中片縣人故宅餘址猶存魯陽關在縣北八十里今鄧汝二州于此分境荆豫徑途為險要張景陽詩石朝合魯陽關之狹路峭且深博望故城在縣東南十五里張審封邑

臨瀛縣川上東南至本漢冠軍縣地後魏孝文帝割縣北境置新縣屬南陽郡廢帝以臨瀛水改為臨瀛隋文復改為新城天寶元年又改為臨瀛縣

翼望山在縣西北二百里瀛水出焉

冠軍故城在縣南四十里漢武帝以霍去病討匈奴功寇諸屠故封此縣以褒異之

後漢膠東侯買復宅在縣南三十五里

楚堰縣南八甲推斷山水高下相承八重溉田五百餘頃

菊潭縣川上東南至本漢屬縣武陶成之地後魏廢帝因

武陶成置御問皇三年以為菊潭縣因縣內菊水漲名屬

鄧州

菊水出縣東石岡山其傍多菊水極甘馨谷中三十餘家

不復穿井仰飲於水皆壽百餘歲王暢素隗為太守命鄧

縣月送水三十斛飲食沐浴皆用之

內鄉縣上東南至州本楚之析邑後屬子秦史記秦昭王

發兵出武關以楚取析十五城是也漢以為縣屬弘農郡

後漢屬南陽郡後魏於此置析陽郡廢帝改為中鄉縣開

皇三年以避廟諱改為內鄉屬鄧州析水北自盧氏縣界

流入潁水合古今謂之析口縣城即楚析縣也史記楚

頃襄王元年秦出武關斬楚衆五萬取析十五城漢高祖

入關下析卿是也

復州竟陵開元戶五千二百三十二

鄉十一

禹貢荊州之域春秋戰國並屬楚史記白起拔郢東至竟

陵即此是也秦屬南郡在漢即江夏郡之竟陵縣地也晉

惠帝分江夏立竟陵郡周武帝改置復川取州界復池湖

為名也貞觀七年州理在沔陽縣寶應二年移理竟陵縣

州境 東西四百三十里

八到 西北至上都一千六百八十五里

東北至汴州陸路三百四十里水路七百

東至汴州陸路三百四十里水路七百

貢賦 開元 貢 白紵一十疋

管縣二 竟陵 沔陽 監利

竟陵縣中 郭漢舊縣也屬江夏郡舊縣在今鄂州長壽縣

界竟陵大城是也周屬復州大業三年改復州為沔州縣

屬不改武德初又屬復州

五華山在縣東北七十里縣城本古夙城也古之夙國也

伏羲夙姓也南三江水

沔陽縣 一百三十一里本漢雲杜縣地梁天監二年公置沔

陽縣即今縣東三十里沔陽故城是今沔陽縣即後魏所

置建興縣大業三年改建興為沔陽郡武德改屬復州

沔水在縣南八十步東入漢州縣界

馬骨湖在縣東南一百六十里秋夏汎漲菰葦若海春各

遂涸即為平曰周四十五里

監利縣中 二百六十里東北至本漢華容縣地晉武太康五年分

立監利縣屬南郡開皇三年改復州

大江在縣南一百三十里

郢州富水

開元戶口一萬一千九百九十九

鄉十一
鄉廿三

本江夏郡雲杜縣之地周地周曰蠻人簡集田金生代居此地常為邊患梁普通求遣郢州刺史元樹討之平因置新州後魏廢帝二年改為溫州因溫水為名也隋末廢溫州縣並入安陸郡武德四年于今山縣重置溫州貞觀十七

年廢溫州于長壽改置郢州

州境

八到

西北至上都一千三百八十五里
西北至東都一千一百二十五里
東南至後州三百里
西北至來州三百里
正南微西至江陵府三百里
南北至隨州三百九十里

貢賦 開元 貢 白紵二十端

管縣三

長壽 京山 富水

長壽縣上郭本漢竟陵縣地宋分置長壽縣理石城即今縣理是也屬竟陵郡魏文帝大統十七年於縣改置郢州縣屬焉後遂因之

漢水去縣十里

縣城本古之石城背山臨漢水英于此豈牙門戍城羊祐

鎮荊州亦置戍焉即今州理是也

京山縣下西至州本漢雲杜縣地也隋屬溫州大業二

年改為京山縣皇朝温州所理在此貞觀十七年

縣屬郢州

大洪山在縣西北二百里孤秀為衆山之傑山多乳鐘

溫泉水在縣南十五里擁以溉稻田其收數倍經其家多凶

富水縣中西南至州本漢安陸縣地後漢分其地置新市

縣屬江夏郡後漢有新市平林兵謂此後魏改新市為富

水縣取界富水為名

富水南去縣一百步

唐州淮安

禹貢豫州之域春秋為楚地秦為南陽郡地自漢迄宋皆

同元魏太和中於此置東荊州理比陽占地其後改為淮

州開皇五年又改為顯州貞觀九年改為唐州

州境東西三百八里

八到西北至上都取葉縣路一千三百四十里

西北至上都取葉縣路一千三百四十里

西北取上州路至東都一十二百二十五里

西至鄧州二百二十里

南至隨州三百六十里

東至蔡州二百四十里

東南至中州二百六十里

東北至許州二百七十里

西南至葉縣一百五十里

北至汝州葉縣一百八十里

又自葉取龍興路至汝州一百八十里

貢賦元和貢絹十匹

晉縣七

比陽 慈邱 桐栢 平氏 湖陽 方城 泌陽

比陽縣上郭本漢舊縣屬南陽郡比水所出故曰比陽後

魏屬江夏郡隋屬淮安郡貞觀改屬唐州

顯望崗在縣西北六十里

比水南去縣二里後漢代祖破甄阜梁邱賜于此水斬之
即此水也

舞陰故城在縣西北六十五里漢縣屬南陽郡曹公與張
繡戰引還舞陰即此城也

慈邱縣上州西南至本漢比陽縣之地後魏孝文於此置

置江夏縣并置江夏郡領之開皇三年廢郡縣屬淮州十八

年改名慈邱取慈邱山因以為名

慈邱山在縣西五十里

比水出縣東南大湖山

桐栢鄉中西北至漢平氏縣之東界也梁於此置義鄉

縣開皇十八年改為桐栢因山為名

桐栢山在縣西南九十里禹貢曰導淮自桐栢出紫草

天木山俗名天目山在縣東北五十五里祖逖為豫州刺史

藏家口于木山即此山也山上有池時人號為天目

淮水出縣南桐栢山一名大復山

淮濟廟在縣西六十里桐栢山東北

平氏縣

中州七十里

東北至本漢舊縣屬南陽郡晉屬義陽郡其

後為北人侵掠縣皆印墟後魏於平氏故城重置屬淮州

隋改屬淮安郡

醴水出縣東南桐栢山西流經縣北三里與淮同導西流

為醴東流為淮

湖陽縣

中州百六十里

古蓼國也左傳曰負人將與隋絞州

蓼伐楚注曰今義陽東湖陽縣是也地理志曰蓼國谷繇

後為楚所滅後魏孝莊帝於此立湖州貞觀元年廢以湖

陽屬唐州

方城縣

上州百六十里

東原至州本漢堵陽地也屬南陽郡在堵

水之陽故名後漢朱祐為堵陽侯梁於此置堵陽郡隋改

置方城縣取方城山為名屬滑陽郡貞觀初改屬唐州

方城山在縣東北五十里即沮溺耦耕處傳屈完對齊桓

公楚國方城以為城也

堵水西去縣三十五里

泌陽縣

中州一百里

東至本漢棘陽縣地後魏于此置襄城郡領

襄城上馬二縣貞觀元年廢入湖陽縣開元十三年刺史

白知節奏置天寶元年改為泌陽縣

隨州

漢東

開元戶一萬三千二百十六

元和戶一萬二千七百十六

鄉二十七

本春秋時隨國與周同姓左傳曰漢東之國隨為大注曰
今義陽隨縣也其後為楚所滅為南陽郡地漢立為隨縣
屬南陽郡晉太康九年分義陽置隨郡自宋已還多以封
建子弟為王後魏文帝大統十六年改隨州後遂因之

州境東面三百七十里
南面三百七十里
西面三百七十里
八到西北至上都一千一百三十三里
西北至東都一千一百六十五里

西至棗州三百里
東南至安州一百五十里
西南至鄧州三百九十里
東北至中州二百四十里
西至唐州三百六十里

貢賦
開元 貢 羅綾 賦 絹 布 綿
元和 貢 羅綾

晉縣四 隨縣 光化 棗陽 唐城

隨縣上本漢舊縣屬南陽郡即隨國城也歷代不改厲山
亦名烈山在縣北一百里禮記曰厲山氏炎帝也起于歷

厲山故曰厲山氏

斷蛇丘在縣北二十五里即隨侯救斷蛇處

澁水在邱西四十里左傳曰楚武王伐隨莫敖屈重除道

梁澁

平林故城在縣東北八十八里王莽末關東起兵陳牧廖

堪起兵號平林兵

李梁廟在縣南門外道西三十二步

光化縣 州下 西北至本漢隨縣地南齊武帝分其地立安

化縣 屬隨郡 後魏文帝改為新化縣齊帝改光化縣

棗陽縣 州上 東西至本漢蔡陽地屬南陽郡後漢分蔡陽

立襄陽縣周改為廣昌隋仁壽九年改為棗陽因棗陽村

為名也

春陵故城在縣南三十五里漢景帝子長沙王發子春陵

節侯之邑也代祖即位幸春陵復其徭役改曰春陵

後漢代祖宅在縣東南三十里宅南三里有白水東京賦

所謂龍飛白水也

代祖父南頓君陵縣東二十七里

唐城縣 州上 東南至本漢隨縣地梁于此置下澁戍後沒

魏改為下澁鎮開皇三年改鎮為唐城縣大業二年廢開

元二十四年採訪使宋鼎奏置

唐城山在縣三十二里

均州武當 開元戶九千八百五十九

漢南陽郡武當縣地也因山為名永嘉之亂雍州始平郡

流人出在襄陽者江左因僑立始平郡以領之寄理襄陽

宋孝武帝割武當縣以隸之後魏改始平郡為武當郡開

皇三年罷郡

州境

八到

西北至上都九百里

東北至上都八百八十五里

東至鄧州二百四十里

北至鄧州內鄉縣二百三十里

東南水路至襄州三百六十里

西至金州三百六十里

南至房州二百六十八里

貢賦開元 貢 射香 山雞皮毛 賦 絹布線麻

管縣三 武當 鄖鄉 豐利

武當縣上郭本漢舊縣屬南陽郡後漢初延岑起兵于此

後遂空察宋元嘉末移縣理延岑城貞觀十五年于此置

均州

武當山一名泰山一名太和山在縣南八十里高二千五

百丈周曰五百里陰長生於此得仙

漢水去縣西北四十里水中有洲名滄浪洲則禹貢云又

東為滄浪之水

鹽池在縣東南一百里池水四周上生紫氣池左右莫木

十餘里氣所染著上如雪霜嘗之鹽味上人謂之鹽花

鄭鄉縣上東至川本漢錫縣古麇國之地也左氏傳曰

楚潘崇伐麇至于錫火是也漢錫縣屬漢中郡晉武帝改

錫縣為鄖鄉縣隋初屬均州後隸房州貞觀又改屬均州

西山今寶蓋山在縣西南三里南臨漢水

漢水西自豐利縣界流入南去縣三里東有滂灘冬即水

淺而下多大石又東為淨灘夏水急迅行旅苦之歌曰冬
澇夏淨斷官使命

豐利縣上東至州二百四十里本漢長利縣地理在長利川故名宗

于此置南上洛郡屬梁州後魏文帝改南上洛為豐利郡

又立豐利縣隋以豐利縣屬金州貞觀八年改屬均州

錫義山一名天心山在縣東北六十五里山方圓一百里

形如城四面有門相傳以為仙室所居

漢水南去縣二十里

房州房陵開元戶一萬四千四百三十一鄉三十四

禹貢梁州之域古麇國之地左傳曰楚子代麇成大心敗

麇師于防渚關駒以為防陵即春秋時防渚之得名蓋自

此也戰國時屬楚秦為漢中郡地漢立防陵縣屬漢中郡

後漢末立為房陵郡建安三十四年蜀先主遣宜都太守

孟達征房陵殺太守申耽魏文帝時孟達降魏改房陵

郡為新城郡後達叛魏降蜀司馬宣王擊殺之侯景之亂

地入後魏至周武帝改為遷州貞觀十年廢遷州自竹山

縣移房州於廢遷州解即今州理是也

州境東面二百二十三里

八到西北至上都一千六百六十八里

又水路五百八十四里

正西微北至金州五百四十里
南至歸州山路五百里
北至均州二百六十八里

貢賦開元 貢元和 射香 蠟 竹女筒 鍾乳 賦 蔴布
射香 苧草 石角 雷丸

管縣四 房陵 永清 竹山 上庸

房陵縣上 郭本漢舊縣為漢中郡後漢改防為房陵魏以

為光遷縣貞觀年五年改為房陵

房山在縣西南四十三里其山西南有石室似房因以為

名

建鼓山在縣南一百十三里與馬鞍山連接二山並高峻

久夏積雪

筑水出縣西北葉山徑縣北二里魏遣夏侯泉與張卻下

巴西築軍容渠別濬屯軍筑口即此水也

趙王遷墓在縣北九里秦使王翦滅趙徙趙王遷于房陵

永清縣中下 西至本房陵縣地後魏廢帝分房陵東景

置大洪縣地周武帝改為永清縣為遷州隋改為房陵

郡

沮水出縣西南景山東南入于漢江左傳曰江漢沮漳楚

之望也

筑水經縣 三里

大江故縣城在縣東六里

竹山縣中下 東五州 一百四十里本漢上庸縣古庸國也昔武王伐付庸人往焉故牧誓云及庸雋鬻微盧彭濮人注云庸濮在江漢之南左傳曰庸率群蠻以叛楚使盧戢黎侵庸後遂滅之至漢初立上庸縣為漢中郡後漢子野立上庸郡後魏改置竹山縣因黃竹嶺為名也

方城山在縣東南三十里頂上平坦四面險固山南有城

周十餘里

白馬塞山在縣西南三十五里初孟達為新城太守登此

山嘆曰劉劉中孰據金城千里而不能守豈丈夫也

黃竹山在縣北一百山上竹色皆黃因名

上庸縣中下 東五州 二百五十里本漢上庸縣地也按漢上庸縣今竹

山縣理是也蕭齊武帝分上庸縣地于此立新曲縣屬上

庸郡後魏改為孔陽縣因界內孔陽水為名開皇三年罷

孔陽縣仍移上庸縣理于空孔陽縣屬羅州貞觀十年改

屬房州

長蘿山在縣北四里

孔陽水在縣西五十步

元和郡縣圖志卷第二十二

山南道三

興元府

漢中

開元戶
元和戶

今為山南西道節度使

管州十七

興元府

洋州

利州

鳳州

興州

成州

文州

扶州

集州

自集州下
分入下卷

壁州

巴州

蓬州

通州

開州

閬州

果州

管縣八十八

禹貢華陽黑水維梁州舜十二牧梁其一也春秋時及戰

國並屬楚懷王時秦惠文王取漢中地六百里以為漢
 中郡秦二年項羽封高祖為漢王高祖欲攻羽蕭何曰語
 曰天漢其稱甚重從之後漢末張魯據漢中改漢中為
 漢寧郡曹公討平之復為漢中郡蜀先主破魏將夏侯妙
 才遂有其地為重鎮魏延蔣琬姜維相繼屯守其後鍾會
 既克蜀又置梁州晉末李特據蜀漢中又為所有桓溫討
 平之燕縱時又失漢中繼滅又歸舊理自漢宋已還多理
 南鄭開皇三年罷郡所領郡縣並屬梁州大業三年罷州
 為漢州即武惠元年又改為襄州二十年又為梁州興元
 元年因德宗遷幸改為興元府按漢中當巴蜀捍蔽故先

主初得漢中謂人曰曹公雖來無能為也及蕭齊明帝時
 後魏大將元英率兵十萬通斜谷因南鄭刺史蕭懿拒守

百餘日不拔而退

川境東面三百九十九里

八到東北至上都七百六十里

西南至利州四百九十里

北取巴嶺路至棗州二百八十里

西取斜谷路至鳳翔府六百八十里

正西微北至興州三百八十里

管縣六

貢賦開元京麻布繇綿絹

南鄭 獲城 金牛 三泉 城固 西縣

南鄭縣次赤十本漢舊縣屬漢中郡幽王為犬戎所滅鄭桓公死之鄭南奔居此故曰南鄭高祖都之蜀後主以

魏延為南鄭侯後魏改為九義縣開皇九年又為南鄭

巴尚在縣南一百九里東滄臨漢江與三硤相接山南即

古巴國

漢水經縣去縣一百步禹貢曰蟠冢道漢東流為漢裴秀

云漢氏釋注水改袂漢水為山瀆以其國所氏

褒城縣十四東至本漢褒中縣屬漢中郡都尉理之故

古褒國也當斜大路晉義熙末木齡石平蜀梁州刺史理

此仍改包中縣魏又於此置褒中郡開皇元年以避廟諱改

為褒中縣仁壽元年改為褒城

褒水源出縣西街嶺川斜水與褒水同源而派分褒水東

漢中郡褒城縣斜水北流入渭漢中郡褒城縣斜水北流入渭漢孝武時人欲通褒斜道

及滂事下御史大夫張湯問其事因言抵蜀從故道多

坂迴遠今開褒水至斜間百餘里以車轉從斜下渭如此

漢中之穀可致山東從沙無限便以砥柱之漕且褒瀆林

木竹箭之既擬于巴蜀天子然之拜湯子邛為漢中守發

數萬人作褒斜道五百里道果便近而水多湍石不可漕

遂止

褒谷山在縣北五里南口為褒北口為斜長四百七十里
褒國在縣東一百步褒似之所出也

甘亭關在縣北九里今為戍

褒斜道一名石牛道張良令漢王燒絕棧道示無還心即

此道也諸葛亮與先主書曰前趙子龍退軍燒壞赤崖以

北閣道緣谷百餘里其閣梁一頭入山腹立柱于水冷水

大而急不可安柱不可強也

金牛縣四東至州本漢葭萌縣地東晉孝武分置綿谷

縣武德二年分綿谷縣道谷鎮置金牛縣取秦五丁力士

石牛出金為名

嶓冢山縣二十八里漢水所出

嘉陵江經縣西去縣三十里

故關城俗名張魯城在縣西三十八里

三泉縣二十東北至本漢葭萌縣地屬蜀先主改為漢

壽縣武德四年置南安州又置三泉縣八年州廢以縣屬

梁州

城固縣二十西至本漢舊縣有鐵官屬漢中郡開皇三

年改屬梁州武德二年改屬唐固縣貞觀二年復舊

通閣山在縣東北九里漢高祖北定三秦蕭何等漢中欲

修此道通閣中故名通閣山

漢水南去縣二里

黑水出縣西北太山南流入漢諸葛亮伐日朝廢南鄭暮

宿黑水

城固故城在縣東六里韓信所築晉平譙縱後梁州刺史

嘗理於此

西縣十四西至本漢沔陽縣地後魏分置端冢大業二年

改為西縣

百牢縣在縣西南三十步隋置白馬關後以黎陽有白馬

關故名百牢關日京師趣劍南達淮左皆由此也

八陣圖在縣東南十里諸葛亮壘門石為圖

諸葛亮墓在縣東南八里亮卒遺命葬漢中定軍山貞觀

十一年勅禁樵薪定軍山在縣東六十里

洋州洋川開元戶一萬一千八百八十九元和戶二千八百九十六鄉四十八鄉五十二

本漢秦中郿城固縣地先主分城固立南鄉縣為蜀重鎮

晉改為西鄉縣仍于豐寧成置豐寧郡廢帝于此置洋州

因洋水為名大業三年廢洋州置洋川鎮武德元年復于

西立洋州

州境東西二百九十二里

八到南北至六百六十里
東北至上都六百四十里
東北至東嶺一千四百九十里

東至金州五百里
西至興元府一百二十里

南至壁州西路五百六十里
北至京北府鹽澤縣五百里
貢賦 開元 貢 白交梭 火府布 野紵布

管縣五

興道 黃金 洋源 西鄉 真符

興道縣 縣下 本漢城固縣地後魏宣帝分置興道縣理
在興勢山上以為名武德元年置洋州以縣屬焉貞觀二
十三年改為興道縣

興勢山在縣北二十里蜀先主昔諸葛亮出路谷成興勢
山置蟬火樓處 通照即此山按三國時蜀以漢中建安
末破魏將夏侯妙才後遂自漢川以魏延鎮守其後蔣琬

姜維相繼鎮于此即今郡也 興勢後主延熙七年將軍
王平守之魏將曹爽等攻不克即今興道縣也 白帝先
主章武元年屯之遂為重鎮後主建興十七年吳將全忠
來攻不得即令雲郡也 右並為重鎮

漢水經縣去縣一百步

儻谷一名駱谷在縣北三十里後主延熙二十年諸葛誕
反于維南分關中兵東下姜維欲乘虛向秦川率數萬人
出駱谷關誕已破乃還按駱谷在長安西南口曰儻谷
北口曰駱谷中多反鼻地青攢音蛇一名焦尾地常登
竹木上能十數步攢人中此蛇者即須斷肌去毒不然

立死

駱水在縣城西一里

黃金縣州中西一百三十里本漢安陽縣地屬漢中郡後魏文

帝于此分置黃金縣因黃金水為名黃水出縣西北百畝

山黃金谷南流入經縣西去縣九里其谷水陸艱險語曰

山水艱阻黃金子午魏造曹爽由駱谷伐蜀將王平拒

之于興勢張旗幟至黃金谷謂此山也

故鐵城在縣西北八十里城在山上言其險峻故以鐵為

名昔氏帥楊難當寇漢川令魏興太守薩健據黃金成姜

寶鐵城送遣梁州刺史蕭思話攻拔之驛即子午道也舊

道在今金州安康縣界梁將軍王神念以舊子午道緣山

避水橋梁有數多有毀壞乃別開乾路更名子午道此路

是也

洋源縣州中五西北至本漢晉西鄉縣武德七年初置洋

源縣因洋水為名

洋水在縣南三百步

西鄉縣上十五西北至州百里本漢城固縣地蜀先主置南鄉

晉武帝改為西鄉縣武德元年置洋州理在西鄉後移

理興道縣

洋水東去縣八里

貞符縣中 南至州開元十八年置初名夏華陽縣天寶

三年廢年王鉞奏開清水谷路復置其年鑿山得玉卅因

改名貞符縣隸京北府十一年以路遠改屬洋州

利州益昌 開元戶一萬一千八百八十一 鄉三十二

秦蜀郛地漢分巴蜀置廣漢郡按今州即廣漢郡之葭萌

縣地也蜀先主改葭萌為漢壽縣屬梓潼郡晉改漢壽為

晉壽梁天監以竺胤為太守隋夏侯道遷入後魏改立西

益州梁大通六年又冠之始通劍路改西益州為黎州武

陵王蒨紀僭號于蜀以帝疑為黎州刺史蒨反州屬魏復

改黎州為西益州三年改西益州為利州大業三年改為

義城郡武德元年又改為利州 州城西臨嘉陵江周宣帝

大象二年以豆盧勳為利州總管至任未幾而王謙據之

益州叛遣益州刺史遠奚堪馬步十萬乘攻利州于子

城南北起土山城內之人負尸汲援軍阮至堪等敗走今

大城內東西南北有大池是遠奚池堪取土處也

州境東西五百三十里

八到東至上都一千二百五十里

東北至東都一千一百十里

東至集州三百里

西至龍州四百里

貢賦 元和 貢 芎藭 麝香 絲布 賦 布

管縣五 綿谷 益昌 葭萌 亂山 景谷

綿谷縣上九本漢葭萌縣地東晉孝武分晉壽縣置興安

縣開皇十八年改為綿谷縣因縣東南綿谷為名

龍門山在縣東北八十二里出好鍾乳

穿山一名胡洞山出好鐵舊置鐵官又有山空罍伏于空

處皮可為甲刀箭不能入

西漢水一名嘉陵水經縣西去縣一里

潛水出縣東北龍門山書曰沱潛既道是也

益昌縣中下四東北本漢葭萌縣地晉改置晉壽縣周

改為益昌縣屬閬即隋改屬利州

晉壽故城在縣東南五十里本漢葭萌縣也按蜀先主自

葭萌取成都留中郎將霍峻守葭萌城張魯遣使誘之峻

曰小人頭可得城不可得也

小劍故城在縣西南五十二里小劍城去大劍城四十里

連山絕險飛閣道通衢故謂之劍閣道自縣西南踰小山

入六劍口即秦使張儀司馬錯伐蜀所由路也亦謂之石

牛道又有古道自縣東西經益昌成又東南入劍州晉安

縣界即種會伐蜀之路也

葭萌縣上五北至州本漢葭萌縣地東晉於今縣南置

晉安縣隋改為葭萌縣取漢舊縣名也

嘉陵江在縣城南

涪山縣中下四西北至本漢葭萌縣地後魏于今縣西

南十五里置義城縣義寧二年改名義清縣天寶元年改

為涪山以縣北三十里有可涪山為名

縣城置元白垓山上武德四年築義清縣治焉唯三南有

城皆臨絕嶮南面同嶮不更築城

景谷縣中五下西南本漢白水縣地屬廣漢郡宋元嘉

十七年元人楊難當自稱大秦王進軍尅葭萌復普壽太

守申坦因分白水置平興縣屬之沙州開皇十八年改為

景谷縣因縣北景谷為名大業二年廢沙州縣屬利州縣

城太平興城楊難當所築峭山為城三角中有一井傳

豎眼所穿木馬山在縣西南二十五里諸葛亮之出祁山也作木牛

流馬以供運於此造作因以名之

白水一名羌水經縣西一里

石門關在縣南十八里因山為阻昔諸葛亮鑿石為門因名之

鳳州河池開元戶四千一百二和戶三百五十鄉二十二

禹貢梁州之域戰國時為秦地秦并天下為隴西郡地漢

高帝分隴西郡置廣漢郡武帝分西廣漢郡置武都郡領

縣九其屬有故道河池二縣今州即二縣之地也三國時

屬魏明帝太和三年其地沒蜀後復為雍州之地其地本
 氏羌所居後漢獻帝建安中有楊騰者為部落大帥騰子
 駒勇健多計略始徙居仇池至宋武帝封楊盛為武都王
 其子元及難當亦相繼為文帝元嘉十八年難當傾國
 南寇現有蜀土後魏太平貞君二年招定仇池其年於此
 城立鎮太和元年置固道郡孝昌中以固道郡置南岐州
 廢帝三年改南岐州為鳳州因州境有嶺嶺為山為名按武
 州同谷縣本是鳳州西界縣南有鳳凰山因為名州名大
 業三年改為河池郡武德元年復為鳳州
 州境東西四百八十里
 南北三百七十六里

八到東北至上都六百里
 東北至東都一千四百六十里
 東北至鳳翔府三百八十里
 東北至興元府三百八十里
 東至興州三百三十里
 北至隴州四百二十里

貢賦
 元和貢
 蠶蠟
 土布
 賦
 布
 麻

管縣四合三
 梁泉
 兩當
 河也

黃花
 武德元年析梁泉
 置寶應元年省

梁泉縣
 中下
 郭下
 開元戶一千八百十八
 鄉五

本漢故道縣地後魏太和元年於此置梁泉縣取縣西梁
 泉為名屬故道郡開皇三年罷郡縣屬鳳州皇朝因之
 三松山在縣南五里

故道水出陳倉縣之大散嶺西南流入故道川今州理即故道川也

迴車戍在縣北六十里梁太清五年西魏置雍州刺史達奚武為大都督及行臺楊寬率眾七萬由陳倉路取迴車戍入斜谷關出白馬道謂此也

兩當縣

中下東至州五十里

開元戶一千六十六

鄉三

本漢故道縣地屬武都郡漢高帝引兵從故道出襲雍謂此也永嘉之後地沒氏羌縣名絕矣後魏變文為同于此昔同通別領兩當廣德二縣因縣界兩當水為名或云縣西界有兩山相當因取為名開元罷郡縣屬鳳州皇朝因

郡之沮縣也晉永嘉末氏人楊役搜自號氏王據武都自後郡縣荒廢而後搜子孫承嗣為氏王其後楊難當又據下辨自稱大秦王難當弟伯宜為其王伯宜孫暉分王武興按武興即今州理是也楊暉既王武興又得武都河池二縣之地暉子集始稱藩於魏後謀叛魏遂廢武興為蕩鎮其年改鎮為東益州齊帝二年改東益州為興州因武興郡為名大業二年罷州為順政郡武德元年復置興州按州城即古武興城也初蜀以其處當衝要遣將舒為武興督守之及鍾會伐蜀舒遂降魏即其處也城雖在平地其城實周圍五百許步唯開西北一門外有壘三面

周匝

州境東西二百八十六里

八列 東至北一百九十里

東至北一百九十里

西至武州三百五十里

北至鳳州三百五十里

南沿流至具元府三泉縣一百五十里

貢賦 開元 貢 蠟六斤 珠砂 賦 布

順政

長舉

鳴水

鄉四

順政縣 中下

開元戶一千一百八十八

本漢沮縣地後魏廢帝分置漢曲縣屬順政郡開皇三年罷郡以漢曲縣屬興州十八年改為順政縣皇朝因之

武興山在縣北一百里多漆及黃蘗

嘉陵水經縣南去縣百步

沮水出縣東北八十二里以其初出沮水故名沮水亦

此為名

興城園在縣南五里

大成城在縣東南四十九里

楊君神祠在縣西南二里嘉陵水南山上即楊難當神也

土人祠之

長舉縣中

南

開元

四百三十

鄉二

本漢沮縣地後魏於此分置長舉縣屬築頭郡周武帝廢

槃頭郡縣改屬落叢開皇三年罷郡縣屬興州皇朝因之
接溪山在縣西北五十三里出硃砂百姓採之

青泥嶺在縣西北五十三里接溪山東即今通路也懸崖
萬仞上多雲雨行者屢逢泥阜故號青泥嶺

嘉陵水去縣南十里

槃頭故城在縣南三里因水槃東為名也

鳴水縣中東至州一
百二十里

開元戶四百二十七 御二

本漢沮縣地也後魏宣武于此置落叢郡因落叢山為名
又置鳴水縣因谷為名開皇三年罷郡縣屬興州皇朝因
之

之

鸞鷲山在縣西二十里

尚婆水今石磨水多盤石因以名音訛故云

尚婆川中有鳥群飛二月從北面南八月從南還北音如

簫管俗云使兒鳥奏之則連夫伏去則連夫之常以為農

候

河池縣中東至州
百七十里 開元戶九百六十五

本漢舊縣屬武都郡河池一名仇池按仇池山本名仇維
山有池似覆壺有瀑布其縣因山為名山在成州界去
縣稍遠今縣所處謂之河池川故取以名永嘉之後漢于

氏羌縣名絕矣後魏于此置廣化郡廣化縣隋開皇三年罷郡縣屬鳳州仁壽元年改為河池縣後漢舊名皇朝因之

回道水經縣城西去城三十步

河池成在縣城中

觸讎堆在縣東北四十三里後魏討仇池于此大破吳軍

築為京觀俗號其地為觸讎堆

興州順政開元戶二千四十五元祐戶二千四十五

鄉八
鄉九

禹貢梁州之域戰國時為白馬氏之東境秦并天下屬蜀

郡漢武帝元鼎六年以白馬氏置武都郡今州即漢武帝

厨山在縣南三里極崇峻幽深多木密百姓資其利落叢

落山在縣西北十里出鐵

成州同谷開元戶四千九百五

禹貢梁州之地古西戎地也後為白馬氏國西南夷自丹

耽已來什數白馬以故大有山口仇池地方百頃其地險

向白馬氏據為秦逐西羌置隴州西即秦末氏羌又侵據之

元鼎六年平西南夷置武都郡今州界二郡之地晉宋間

氏帥楊定揚難當據仇池自稱大秦王宋遣將軍裴方

明討平之後魏于此置仇池鎮理百頃岑上後又改為郡

梁改為秦州齊廢帝改為成州大業三年改成州為漢

陽郡武德元年復為成州本屬隴右道貞元五年節度使

嚴震奏割屬山南道今于同谷縣西界泥公山上推置行州

州境東西三百九十三里
南北三百九十四里

八列東至上都一千一百六十七里
東至鳳州四百五十五里
東至武州三百八十里
東至秦州一百一十里

管縣三

同谷 長道

貢賦 關元 百 蠟燭 虎茸 防葵 狼毒 蠟

管縣三

上祿 同谷 長道

上祿縣中郎本漢舊縣屬武都郡後魏改為階陵縣周武帝

改為倉泉縣隋開皇三年罷郡屬武州大業三年改為上

祿縣

仇池山在縣南八十里墜立百仞有自然樓閣却敵谷置

均調有四人功上有數萬人家一人守首萬夫莫向其地

良沃有土可以煮鹽楊代故累世為

雞頭山在縣東北二十里後漢將來歙從山道擊得此陽

隗囂出其不意使將王孟將兵擊雞頭迤山北城而楊

難當所築也

同谷縣中郎本漢下辯道也屬武都郡故代馬

王國魏宣帝於此置武都郡并白馬山縣大業改曰石為

同谷縣開皇三年罷郡以縣屬康州大業屬鳳州貞觀元年屬成州

仙掌山在縣南五里

下辨水一名甘泉縣東北七十里

長道縣山五里本漢上禄縣地後魏之天水郡也廢帝

改為長道縣又立漢陽縣為馬開皇三年罷郡縣屬成州

十八年改漢陽縣為長道縣

析山在縣東十里蜀後主建興六年諸葛亮率軍攻析山

即此是也

漢水經其南有諸葛亮壘之左右猶有豐州蓋亮之

所植也

西漢水東北自秦州上封縣界入

鹽井在縣東三十里水與嶺齊鹽極甘美食之破氣

鹽官故城在縣東三十里在嶺南西四十里相承營煮味

與海鹽同

鄣公營在縣山南三里武德元年軍元帥鄣國公實執

討薛舉餘黨營軍于此是也

文州陳平

貞觀中屬隴右道

開元戶一千七百六十九
元和戶二百一十八

卽九

馬首梁州之域戰國時代羌據焉漢開西南夷置臨平

道北邑有蠻夷曰道以統兵衆屬廣漢郡承平之後羌虜數反遂

置為郡後入以蜀屬雍州永嘉末太守王鑿以郡降李雄

自後代羌據之不為正朔所班故江右諸志止不錄也之後

魏平蜀始于此置文州理陰平郡隋大業二年罷州縣屬

武都隋末又陷寇賊至武德元年隴蜀平復為文州大歷

十四年西戎犯邊刺史拔城南走建中三年以舊城在平

地窄小難守遂移于故城東四里高原上即今之州理是

也

州境東西一百八十八里南北二百四十里

八到東北至上都一千四百五十里東北至東都二千三百十里

東南至州北四百九十里

西至扶州一百六十里

東取山路至龍州三百六十里

北至武州二百五十里

管縣二

曲水

長松

曲水縣中下本漢之陰平道也屬廣漢郡晉為陰平縣屬

陰平郡永嘉末地陷李雄縣遂廢後魏平蜀置曲水縣屬

陰平郡開皇三年罷郡縣屬文州皇朝因之

太白山在縣南二百五十五里其山岩谷高深常多霜雪

春夏不消俗因名焉

太白泉一名羌水經縣北去縣一里

鄧艾故城在縣東七里魏景元四年鄧艾伐蜀上言今賊
阮推折宜遂乘之從陰平由斜徑經漢德陽亭出劍閣西
百里去成都三百餘里奇兵衛其腹心破之必矣遂自陰
平道伐蜀蓋此時所築城也

姜維故城在縣東七里後主令維于此築城與鄧艾相守

長松縣中一西南開元戶四百九十四 鄉三

後魏之建昌縣也屬盧北郡開皇十八年改為長松縣屬

文州大業三年罷州縣屬武都郡武德元年復改屬文州

天魏山在縣北三十一里

盧北故城在縣東五十二里因葭蘆鎮為名也

扶州同昌

貞觀中屬隴右道

開元戶二千一百九十五

鄉十四

禹貢梁州之域古西戎之地自秦漢迄魏晉屬蕃夷無所
建置後魏討定陰平鄧至羗立為寧州分置昌寧帖夷等
郡後改為鄧州因鄧至羗為名也開皇七年改為扶州大
業三年改為同昌郡武德元年重置扶州

州境東西三百九十里
南北四百九十里

八到東北至上都一千六百里
東北至上都三千四百六十里

東北至文州一百六十里
西南至松州驛路三百二十里
東南至龍州六百里
西北至故芳州三百里

北至宏州四百里
貢賦開元 貢 射香 常歸 芎窮

管縣四

同昌

帽夷

鉗川

尚安

同昌縣

中下郭下

開元戶六百十九

御四

本漢後魏之舊縣也廢帝前九年置屬昌寧郡開皇初

改屬鄧州後屬扶州皇朝因之

鄧至山在縣東二十五里

白水經縣西至縣百步

鄧至故城在縣南三里

帖夷縣

中下

西至川一百里

開元戶五百六十六

御四

本後魏廢帝九年置屬帖夷郡開皇三年屬鄧州七年

改屬扶州皇朝因之

白水經南去縣百步

安昌故城在縣東北三十二里後魏廢帝遣寧同字文祖

平彌陰平節至三蕃立寧州修築故城

鉗川縣

中下

東至州一百三十里

開元戶四百十八

御三

後魏廢帝二年置因山為名屬尚安郡開皇三年屬鄧州

七年改屬扶州皇朝因之

羅夷山在縣東南五十八里

白水經縣南去二十八里

鉗州神祠去縣西北十里水旱人所請焉

尚安縣 中下二 東南 開元戶四百十九 鄉三

後魏恭帝後三年置屬武進郡開皇三年屬鄆州七年改

屬扶州皇朝因之

素嶺山在縣南北一百六十八里

黑水源出素嶺山經縣三十步

元和郡縣圖志第二十二終

元和郡縣圖志卷第二十五

江南道一

浙西觀察使

潤州 丹陽

開元戶九萬一千六百三十五
元和戶五萬五千四百
墾田六千七百二十七頃

鄉百八十

今為浙西觀察理所

管州六 潤州 常州 蘓州 杭州 湖州 睦州

縣三十七 都管戶五十一萬三千七百七十二
墾田五萬七千九百三十二頃

本春秋吳之朱方邑始皇改為丹陽漢初為荆國劉賈所封後漢獻帝建安十四年孫權自吳理丹徒號曰京城今

州是也十六年魏都建業于此為京口鎮按州理或曰名
京城說者以為荆王劉賈嘗都之或言孫權居之故名京
城今按荆字既不同又孫權未稱尊號已名為京則兩說
皆非也按京者人力所為絕高邱也亦云非人力所為者
人力所為者若公孫瓚所築易京是也非人力所為者滎
陽京索是也今地名徐陵即此京非人力所為也京上郡
城前浦口即是京口吳志曰漢獻帝興平二年長沙桓
王孫策創業江東使將軍孫何領兵屯京地是也吳志又
云魏將臧霸以輕船五百敢死萬人襲徐陵攻燒城塹即
吳時或稱京城或稱徐陵或稱丹徒其實一也晉永嘉亂

後幽冀青并兖五州流人過江者多僑居此州吳晉以後
皆為重鎮晉咸和中郗鑒自廣陵鎮于此為僑徐州所理
昇平二年徐州刺史北鎮下邳京口常有留局後徐州寄
理建業又為南充州後又為南徐州隋開皇九年賀若弼
自廣陵來龍臨之遂滅陳廢南徐州改為延陵鎮十五年
罷鎮置州東城東有潤浦口因以名隋氏喪亂杜伏威竊據
其地武德三年伏威歸化六年輔公祏叛復據其地七年
平公祏依前置州其城吳初築也晉王公為刺史改創西
南接名萬歲樓西北樓名芙蓉樓

州境東西三百八里
南北一百九十里

八到 西北至上都二千六百七十里

西北至東都一千八百一十里

東南至常州一百七十里

北渡江至揚州七十里

北微西至宜州四百里

貢賦 賦 絲 紵 布 李 綉 絳 賦 李 綉 絳 賦 李 綉 絳 賦

管縣六

丹徒 丹陽 金壇 延陵 上元 句容

丹徒縣望 本朱方地後名谷陽春秋魯襄二十八年齊

廢封奔吳與之朱方聚族而居之富於其舊後楚靈王

使屈申圍慶封于朱方克之盡滅其族即此地初秦以其

地有王氣始皇遣赭衣徒三千人鑿破長隴故名丹徒

北固山在縣北一里下臨長江其勢險固固以為名蔡謨

謝安作鎮並于山上作府庫儲軍實宋高祖云作鎮作固

誠有其結然北望海口實為壯觀以理而推固宜為顧江

今濶一十八里春秋朔望有奔濤魏文帝東征孫氏臨江

歎曰固天所以限南北也

蒜山在縣西九里山臨江壁絕安帝時海賊孫恩至丹徒

戰卒十萬率眾登山鼓譟動地引陣南出欲回京城時宗

武帝眾無一旅率所領橫擊大破之山多澤蒜因以為名

互父山在縣西北十里晉破符堅復立賊置此山下因以

為名今土俗亦謂之金山

獸窟山一名招隱山在縣西南九里即隱士戴顓之所居也

東浦亦謂之潤浦在縣東二里北流入江隋置潤州取此浦為名也

永興亭在縣東南三十五里宋武帝追尊曰孝皇帝諱翹初仕郡為功曹

丹陽縣

望西北至州六十四里

即舊雲陽縣秦時望氣者云有王氣

故鑿之以敗其勢截其直道使之阿曲故曰曲阿武德五年曾于縣置簡州八年廢天寶元年改為丹陽縣

劉繇城在縣西南二百四十步漢末繇為丹陽刺史揚州

舊理壽春是時已為袁術所據故繇來建城號令江南眾數萬人後孫策東略繇奔豫章

度亭壘在縣東四十七里本蕪峻將管商攻畧晉陵郗道微以此地東據要路北當武進故遣督護李閔築此拒之

今置埭

故湖在縣北一百二十步周迴四十里晉時陳敏為亂據有江東務脩田漬令弟詣過馬林溪以溉雲陽亦謂之練塘溉田數百頃

新豐湖在縣東北三十里晉帝大興四年晉陵內史張閭所立舊晉陵地廣人稀且少陂渠田多惡穢閭創湖成溉

灌之利初以勞使免官後追紀其功超為大司農

南齊宣帝休安陵在縣北二十八里高帝父也追尊為宣

皇帝

高帝道成泰安陵在縣三十一里

武帝順景安陵在縣東三十二里

景帝道生永安陵在縣東北二十六里明帝父也追尊為

景皇帝

明帝高祖世安陵在縣東北二十四里

梁文帝順之建陵在縣二十五里武帝父也追尊為文帝

武帝衍修陵在縣東三十一里貞觀十一年詔令百步禁

禁塚

前入帝綱在陵在縣東二十七里

金壇縣縣西北至本漢曲阿縣地隋于此置金山府隋

末亂離鄉人立為金山縣武德八年廢垂拱二年又置縣

以婺州有金山改為金壇

延陵縣縣一東至晉太康二年分曲阿之延陵鄉置延陵

縣蓋因季子以立名也又漢地里志季子所居在今毗陵

本名延陵至漢始改然今縣北見有其祠或當采地所及

其地亦曰連陵

茅山在縣西南三十五里三茅得道之所事具仙經不錄

古神亭在縣西北二十五里初孫策與太史慈遇于神亭
即此地也吳志曰太史慈渡河到曲阿見劉繇會孫策至
繇使慈硯輕重獨與一騎卒過於神亭策從騎十二皆韓
當宗謙黃蓋輩也慈便前闢馬策刺慈馬得慈項上手戟
慈亦得策兜鍪會兩家兵騎來赴遂各解散後策獲慈解
縛捉手曰寧識神亭時耶是時卿得我如何慈曰未可量
也策乃大笑

上元縣東北至本金陵地秦始皇時望氣者云五百
年後金陵有郛邑之氣故始皇東遊以厭之改其地曰秣
陵塹北山以絕其勢又孫權之稱號自謂當之孫盛以為

始皇建于孫氏四百三十七載考其歷數猶為未及晉之
渡江乃五百二十六年遂定都焉開皇九年平陳于石頭
城置蔣州以江寧縣屬焉武德三年杜伏威歸化改江寧
為歸化縣九年改為白下縣屬潤州貞觀九年又改白下
為江寧至德二年于縣置江寧郡乾元二年改為昇州兼
置浙西節度使上元二年廢州仍改江寧為上元縣
鍾山在縣西北一十八里按輿地志古金陵山也邑縣之
名由此而立吳大帝時蔣子文發神異于此封文為蔣侯
改山為蔣山宋復名鍾山梁武于西麓置愛敬寺江表上
已常遊于此為衆山之傑

覆舟山在縣東北十里鍾山西足也形如覆舟故名宋元嘉中改名元武山以為樂遊苑初桓元作亂使卞範之屯覆舟山西無餘二萬宋高祖率義師食畢棄其餘糧躬先士卒以擊之範之等一時土崩

牛頭山在縣南四十里山有二峯東西相對名為雙闕晉氏初過江無闕王導指山鑿兩峰即此天闕山

方山在縣東南七十里秦鑿金陵以斷其勢方石山峽是所泐之地也

三山在縣西南五十里晉王濬伐吳宿于牛渚部分明日前至三山即此也

四望山在縣西北八里晉溫嶠修燕峻于四望山築壘以逼賊其山

蔡洲在縣西十二里江中晉盧循作亂賊士十餘萬舟楫數百里連旗而下宋高祖登石頭以望循軍初循引向新亭公顧左右失色既而回泊蔡洲公曰此成擒耳俄而循大敗而走

淮水源出縣南華山在丹陽湖屬兩縣界西北流經秣陵建康二郡之間入于江初王敦搆亂王導憂將覆族使郭璞筮之璞曰淮水絕王氏滅即此淮也

元武湖在縣北十里周回二十五里

姜湖在縣東南五里吳張昭所創溉田數十頃周回七里
昭封姜侯故謂姜湖宋時為苑

晉故臺城在縣東北五里成帝時蘇峻作亂焚燒宮室都
盡溫嶠已下咸議遷都唯王導固爭不許咸和六年使王
彬營造七年帝遷于新宮即此城也

揚州故里在縣東一百步後漢末又理壽春劉繇為揚州
刺史始移理曲阿吳長沙桓王孫策定江東置揚州以建
業其州廨王暨及王導所創也後會稽王導子於東府城
領州故亦號此為西州及臨平陳又于石城置蔣州移揚
州江北之江都焉

丹陽郡故城在縣東南五里初丹陽內史後改為尹

石頭城在縣西四里即楚之金陵城也吳改為石頭城建
安十六年吳大帝修築以置財寶軍器有成吳都賦云戎
車盈于石城是也諸葛云鍾山龍盤石城虎踞言其形之
險固也

秣陵故縣在縣東南四里本金陵地也秦改為秣陵

湖屬故縣在縣東南七十里

越城在縣南六里本東甌越王所立也英王漢敗先趨此
城後保丹徒郭璞行于途中贈白衣人袴褶亦此城也
建康故城在縣南三里建安中改秣陵為建業晉復為秣

陵武帝又分秣陵水北為建業避愍帝諱改名建康
東府城在縣東七里其地西則簡文帝為會稽王時邸第
東則丞相會稽王導子府謝安薨導子伏領揚州仍先府
舍故稱為東府而謂揚州府為西州謝惠連祭冥漢君文
即因修此府城墻所為也

輔公祐城在縣東七里其地本齊文惠太子苑地也公祐
稱亂築以為城其年公祐平城遂毀廢

賀若弼壘在縣北二十里隋平陳弼過江于蔣山龍尾築
壘韓擒虎壘在縣西四里隋平陳樹碑其文薛道衡之詞
武德七年趙郡王孝恭平輔公祐樹碑紀功與此碑相對

李百華之詞

吳大帝蔣陵在縣北二十二里

晉元帝墓建平陵明帝紹武平陵成帝衍興平陵並在縣
北六里雞籠山

康帝岳崇平陵在縣東北二十里蔣山西南

哀帝在安平陵在縣北六里雞籠山南

簡文帝皇高平陵孝武帝昌明平陵安帝德宗休平陵恭
帝德文冲平陵並在縣東北二十里蔣山西南

宗武帝劉裕初寧陵在縣東北二十二里

文帝義隆長寧陵並在縣東北二十二里蔣山東南

孝武帝駿景陵在縣西南四十里岩山

明帝或高寧陵在縣北十九里幕府山東南

陳武帝霸先塢安陵在縣東三十八里方山西北貞觀十

一年詔百步內禁樵採

文帝舊永寧陵在縣東北四十里蔣山東北

宣帝頊顯寧陵在縣南四十里牛頭山西北

梁昭明太子安陵在縣東北五十四里查礪山

晉王導墓在縣西北十四里幕府山西

謝安墓在縣東南十里石子崗北

句容縣縣東北至漢舊縣也晉元帝毗于江左為畿內

第二品縣有茅山在名句曲以山形似已字故句曲有所

容故號句容

赤山湖在縣南三十五里

茅山在縣東南六十里

竹里山在縣北六十里王塗所經塗甚傾險行者號為翻

車峴山間有長澗高下深阻舊說云似洛陽金谷宋武帝

初起自京口至江乘破桓元將吳破之于竹里移檄京師

即此處也

銅冶山在縣北六十五里山出銅鉛歷代採鑄

常州晉陵開元戶九萬六千四百七十五鄉一百八十七
元祐戶五萬四千七百六十七

禹貢揚州之地春秋時屬吳延陵季子之采邑漢改曰昆
陵晉東海王越謫于昆陵元帝于昆諱改為晉陵郡宋齊
因之開皇九年平陳廢郡于常熟縣置常州因縣為名後
割常熟縣入蘇州移常州理于晉陵縣隋亂陷于寇境武
德七年平仍舊置常州

州境

東西一百九十二里
南北一百九十里

八到

西北至上都二千八百四十五里
東北至上都一千九百八十里
東南至蘇州一百九十里
西南至宜州五百里
正南微西至湖州陸路三百里
正北至潤州一百七十里

貢賦

元和
貢布五疋
貢細紵紅紫二色綿布
紙六十張

受縣五

晉陵

武進

江陰

無錫

義興

晉陵縣

春秋延陵

漢之昆陵也後與郡俱改以為晉

陵季札所居也墓在縣北七十里申浦之西

武進縣

望郭吳大帝改丹徒為武進晉武復改武進曰丹

徒曲阿別置武進縣于丹陽縣東五十里梁武改武進為

蘭陵入晉陵垂拱二年又析晉陵西界立武進縣于州

江陰縣

州東南五十里本漢昆陵縣之漚陽鄉晉太康二年置

漚陽縣

梁敬帝置江陰縣郡開皇九年罷郡縣屬常州

無錫縣

州西北九十六里漢舊縣也東三十九里有梅里山吳

太伯墓處

義興縣一百二十里北至州本秦陽羨縣故城在荆溪南晉惠帝時妖賊石水寇亂揚土人周玘創義討水割吳興之陽羨并長城縣之北鄉為義興郡以表玘功陳廢郡為義興縣

荆溪即周處斬蛟處

蕪州吳郡

開元戶六萬八千九十三 元和中戶十萬八百八 卿一百十八

高貢揚州之地周時為吳國太伯初置城在今吳縣西北五十里至閶闔遠都于此後為越所并楚滅越而封黃歇于此秦置會稽縣二十六里於吳項羽初起殺會稽太守

啟通即此也漢亦為會稽郡後漢順帝永建四年陽羨令周喜山陰令殷重上書求分為二郡遂割浙江以東為會稽浙江以西為吳郡孫氏創業亦肇跡于此歷晉至陳不改常為吳郡吳興丹陽號為三吳隋開皇九年平陳改為蕪州因姑蘇山為名在州西四十里其上闔閭起臺外郭云是伍胥所築周四十七里

州境東四百四十一里 西四百九十八里 南四百九十八里 北四百九十八里

八到西北至上都二千三百七十里 西南至杭州三百七十里 南至徽州三百七十里 正南至海三百七十里

東北至常州一百九十里 西北至常州一百九十里

貢賦開元 貢 細紵布 白石脂 蛇床子
元和 貢 絲葛疋 吳白石脂三十斤 吳蛇床子三斤

管縣七

吳縣 長洲 嘉興 海鹽 常熟 崑山 華亭

吳縣望印本吳王闔閭所都秦置縣

太湖在縣西南五十里禹貢謂之震澤周禮謂之具區湖

中有山一名洞庭山

武邱山在縣西北八里吳越春秋云闔閭葬于此秦皇鑿

其珠果並知所在孫權穿之亦無所得其鑿處今成深澗

淞江在縣南五十里經崑山入海左傳云越伐吳軍于笠

澤即此江

長洲望印本萬歲通天元年析吳縣置取長洲縣為名

苑在縣西南七十里

嘉興縣望北至州一本春秋時長水縣秦為由拳縣漢因

之吳時有嘉禾生改為禾興縣後以孫皓父名改為嘉興

縣也

海鹽縣上西北至州本秦縣漢因之其後縣城陷為柘湖

移于武原鄉後又陷為當湖移置山傍開皇元年廢縣此

屬杭州武德七年地入嘉興開元五年刺史張庭珪又奏

置

常熟縣望南至本漢吳縣地梁大同六年置常熟縣武

德七年移理海鹽虞城今縣是也

崑山縣州八十里西至本秦漢婁縣其城吳子壽夢所築梁分

置信義縣又分信義置崑山縣因縣有崑山故名

華亭上西至州二百七十里天寶十年吳郡太守趙居貞奏割崑山

嘉興海鹽三縣置

華亭谷在縣西三十五里陸遜陸抗宅在其側遜封華亭

侯陸機云華亭鶴唳此地是也

杭州餘杭開元戶八萬四千二百五十二鄉一百八十八

禹貢揚州之域春秋時為吳越二國之境其地本名錢塘

史記云秦始皇東遊至錢塘臨浙江是也漢屬會稽吳志

注云西部都討理所陳禎明中置錢塘郡隋平陳廢郡為

州境東西五百五十四里

八到西北至東都一千五百四十里

西南至睦州三百五里

東南至浙江至越州一百三十里

西至歙州四百七十里

西北至宣州四百九十六里

東北至湖州八百七十里

貢賦開元貢黃藤紙白編下足橘黃連緋綾白編紋紗

管縣八

錢塘 餘杭 臨安 富陽 於潛 鹽官 新城

唐山

錢塘縣縣郭下本漢舊縣也錢塘記云昔一境逼近流縣理靈
隱山下今餘趾猶存郡議曹華信乃立塘以防海水募有
能致土石者即與錢及塘成縣境蒙利乃遷理此地于是
改為錢塘按華信漢時為郡議曹據史記始皇至錢塘臨
浙江秦時已有此名疑所說為謬隋平陳已後縣頻遷置
貞觀四年定于今所

靈隱山在州西北一十七里
界石山在州西南四十九里
浙江在縣南一十二里莊子云浙河即謂浙江蓋取其州

折為名

江源自歙川界東北流經界石山又東北經州北理又東
北流入于海江濤每日晝夜再上常以月十日二十五日
最小月三日十八日極大小則水漸漲不過數尺大則濤
湧高至數丈每年八月十八日數百里士女共觀舟人魚
子泝濤觸浪謂之弄濤

餘杭縣縣東東南至本吳地吳興記云秦始皇三十七年
將上會稽塗山此地因立為縣捨舟航于此仍以為名

由拳山晉隱士郭文舉所居傍有由拳村出好藤紙
臨安縣縣東南至州本吳大帝分餘杭縣立臨水縣晉

改為臨安隋亂廢置無准垂拱四年巡撫使狄人傑復秦置

富陽縣州七十三里東北至本漢富春縣屬會稽郡晉孝武太元中避鄭太后諱改春為陽吳孫堅父子即此縣人縣有王洲出橋為江東之故今見進供

湖狀山在縣西南五十里其幽邃重疊險遠每時有擾攘人皆逃避于此

於潛縣縣二百里東至本漢舊縣也縣西有瞿山因以為名舊瞿字無水至隋加水為武德七年置潛州領於潛臨水二縣八年廢縣屬杭州

天日山在縣理北六十里有兩峯：頂各一池左右相對名曰天日

鹽官縣上東南至州一百三十里本漢舊縣有鹽官吳志云孫權為將軍陸遜始仕幕府出為屯田都尉即此地也武德七年省入錢塘縣貞觀四年復置

海水在縣南七里

臨平湖在縣西五十五里池田三百餘里頃

新城縣上東北至州百三十二里本漢富陽縣地永淳元年分富春西境置

唐山縣中東至州二百四十八里漢於潛縣地萬歲通天元年置武隆

縣神龍元年改為唐山縣

湖州吳興開元戶六萬一千一百三十三
元和戶四萬三千四百六十七 鄉一百二十二

禹貢揚州之域防風氏之國秦始皇徙越人于此吳歸命

侯置吳興郡梁紹泰初改吳興郡為震州蓋取震澤為名

陳初罷震州復為吳興郡隋平陳廢吳興郡仁壽二年于

縣置湖州

州境東三百八里
南二百十三里

八到西北至上都三千二百四十里
西至上都二千二百四十里

東北至蘇州二百一十里
正南至宣州三百七十里

東北至常州和睦路三百里
東至杭州私路一百九十里

貢賦開元貢紵布 賦 糴粳米

管縣五

烏程 長城 安吉 武康 德清

烏程縣望即本秦舊縣越絕云始皇至會稽徙於越之人

于烏程吳興記云吳景帝封孫皓為烏程侯及皓即位改

葬父和于此遂立為吳興郡

雲溪水一名大溪水一名苦水西南自長城安吉兩縣東

北流至州南與餘不溪水合又流入于太湖在州北三十五

吳興塘太守沈佳之所建灌田二千餘頃

長城縣東南至本漢烏程縣地晉武帝太康三年分其

地置長城縣昔閩閩使第夫樂居此築城狹而長因以為名
顧山在縣西北罕二里貞元已後每歲以進奉顧山紫笋茶
役二三萬人累月方畢

茗溪水釀酒甚醲俗稱茗下酒

安吉縣上東北至州一百四十里本漢故鄣縣地

角作亂荆才尤甚唯此尉守險阻固

縣

武康縣州上東北至一百五里本烏程餘不鄉之地漢末童謠云天

子當興于東南三餘之間故吳大帝改

永興而分餘不鄉置永安縣

封山在縣東南十八里即家語云封嶠之山防風氏之國

也

德清縣上北去州一百五里天授二年析武康鄉置武原縣景雲二

年改為臨溪縣以臨餘不溪也天寶元年又改為德清縣

睦州新定開元戶五萬五千五百十六和戶九千五百十四

禹貢揚州之域春秋時迭入吳越秦屬丹陽郡為歙縣後

漢建安十三年吳大帝中即將賀齊討歙縣山賊平定分

歙為始新、定恭、陽林、陽四縣與歙點九六縣立新都郡

理始新縣晉武帝太康元年改新都為新安郡隋平陳廢

新安郡析新安縣置睦州後又改為睦州遂安郡隋氏喪

亂陷于寇賊武德四年討平注華改為州取俗阜人和內
外輯睦為義萬歲通天二年又自新安東移一百六十五

里建德即今州理是

州境東西北一百二十里

八到西北至上都三十七百十五里

西北至東部二十八百五十五里

西北至徽州二百八十一里

西北至歙州三百七十里

東南至婺州一百六十里

貢賦間元

管縣下 建德 桐廬 遂安 清溪 分水 壽昌

建德縣上郭本漢富春縣地吳黃武四年分置建德縣大

業改為鎮武德四年復改為建德縣

浙江在州南十里又有東陽江東南自婺州界來至州南

注浙江

七里瀨在縣東北十里

桐廬縣西一百五里本漢富春縣之桐溪鄉黃武四年分

置桐廬縣以居桐溪地因名桐廬

浙江在縣南一百四十

桐溪江源出杭州於潛縣界天目山南流至縣東一里今

浙江

浙江

石筴 簾 竹筴 紗 絲布

嚴子陵釣臺在縣西三十里浙江北岸

遂安縣上東北至州一百九十里本漢歙縣地吳大帝使賀齊平歙

縣之南御安定里置新定縣晉武太康元年改為遂安

白石山在縣西七十里其山出白石黃貞因以為名

清溪縣上東至州一百六十五里黃武元年分歙縣東御置始新縣晉

改為雉山以縣南有雉山因名之開皇九年併為新安縣

仁壽中復為雉山開元二年改為還淳今改為清溪

新安江自歙州黟縣界流入縣東流入浙江

分水縣上東北至州一百八十五里本桐廬之西境武德四年置七年省

如意元年改置盛武縣神龍元年復改為分水

壽昌縣中東北至一百十里本漢富春縣地吳分立新昌晉太康元

年改為壽昌皇朝因之

